



Visoki predstavnik Inzko sastao se sa pomoćnikom generalnog sekretara Ujedinjenih nacija, Miroslavom Jenčom

Visoki predstavnik, Valentin Inzko, danas se u Sarajevu sastao sa pomoćnikom generalnog sekretara za političke poslove, Miroslavom Jenčom. Visoki predstavnik ga je informirao o trenutnoj političkoj situaciji u BiH, naglasivši da je izborna reforma neposredni prioritet.

Iskoristio je ovu priliku da zahvali UN-u na njihovim naporima na poslijeratnoj obnovi Bosne i Hercegovine, kao i podršci radu OHR-a, između ostalog i u Vijeću sigurnosti UN-a.

On je istakao važnu ulogu koju Ujedinjene nacije imaju u jačanju razvoja i pomirenja u Bosni i Hercegovini.